

նաւորեան Մկրտիչ զաւագան մը կը նուիրէ Յակոբ վրդ.ին հետեւեալ յիշատակարանով. «ընծայեալ է Զմիւռնիացի ձգնաւորեան Պարոն Մկրտիչէն յաղագս վայելումն Ս. Երուսաղէմի միաբան և Սկիւտարցի Յակոբ վրդ.ին ՌՄԿԵ» (= 1816). (Յուգ. Պ.):

ՅԱԿՈՒՅ ՎՐԴ. ԲԷՕԹԱՀԻՍՅԻ. — Մր. Զու. 1807ին:

ՅԱԿՈՒՅ ՓԱՇՍ. ԳԱԶԱԶԵԱՆ, ՊՈՂՍԵՅԻ. — (1831 — 1891) եղբայրները Կարապետ եւ Նշան, քոյրը Աղաւնի. Ս. Յակոբի վանքին կը կտակեն տուն մը Երուսաղէմի մէջ. որուն համար 1894ին կը հաստատուի Մշակչեակաւոր յիշատակարան (Սրճեգր. Տն. Ժողովի 1894. նիստ ԻԶ. էջ 75):

Յակոբ Փաշա թուրքո-ուսական պատերազմի ժամանակ թարգմանի դեր կատարած է ֆրանսական բանակի մէջ. իր ծանօթ ֆրանսացիներու միջոցաւ օսմ. պանքան կը մտնէ և կը վարէ թարգմանութեան սենեկի տեսչական պաշտօնը: Կայսրը՝ իր անձնական գանձուն տեսչութեան համար երբ ելմտագէտ կարող պաշտօնեայ կը փնտռէր և յանձնարարած էր նոյն պանքային Կոնօրէնին այգպիսի մէկը գտնել, անօրէնը սուլթանին կը ներկայացնէ Յակոբ Գաղաղեանը որ անմիջապէս կը կարգուի տեսուչ կայս. անձնական գանձուն: Յակոբ փաշա կարճ միջոցի մէջ կը բարձրէ նոյն գանձուն ելմտական վիճակը և կ'արժանանայ Կայսեր գնահատման և 1886ին ալ կը կարգուի ելմտական նախարար և կ'ստանայ վէզիրութեան աստիճան: Յակոբ փաշա Յարութիւն պտրք.ի ղիմումներուն վրայ մեծապէս կը դիւրացնէ Ս. Յակոբի վանքին ղրինուորական տրոյ գանձումներէն վճարուելիք նպաստները. տեսնել իր կենսագրութիւնը (Հա. 1890, էջ 12—14):

ՅԱԿՈՒՅ ՓԱՍԿԱՆ, ԵՐՈՒՍՍԱԳԵՄԱՅԻ. — Ծ. 1832ին. հայրը Յովհաննէս, որ իր եղբօրը Մուրատ իշխանի հետ Իգմիրէն գալով հաստատուած էր Երուսաղէմ. Յակոբ 1849ին մտած է Աւստրիոյ-Հունգարիոյ պետական ծառայութեան մէջ. ապա կարգուած է փոխհիւպատոս նոյն կառավարութեան ի Յոպպէ՝ մինչև իր մահը, որ պատահած է 1905ին Յոպպէի մէջ: Ս. Յակոբի վանքի իր ծառայութիւններուն համար կոնդակներ ընդունած է Մատթէոս կթղ.էն 1863 և 64ին. Գէորգ կթղ.էն 1880ին. Մակար կթղ.էն 1886ին: